

Vedtekter for Leikanger Jakt- og Fiskelag

Laget blei stifta 20. april 1978.
Organisasjonsnummer: 986 276 335.

Disse vedtektene blei vedtatt 10.03.2023.

Vedtektene blei tidlegare endra 1998, 2000, 2001, 2006, 2007, 2008, 2017.

Gjeldande vedtekter er i samsvar med vedtektsnorma som blei vedtatt på Norges Jeger- og Fiskerforbund sitt landsmøte 14. november 2021.

§ 1 Namn

Laget sitt namn er Leikanger Jakt- og Fiskelag, heretter forkorta til LJFL.

§ 2 Føremål

Laget sine føremål er dei same som for NJFF. Arbeidet i laget skal byggja på NJFF sitt gjeldande strategidokument.

Laget skal:

- Ta vare på medlemane sine interesser for jakt, fiske og anna friluftsliv. Laget skal arbeida for å sikra ei berekraftig hausting av vilt- og fiskeressursar.
- Arbeida for fremjing av gode jaktvanar og omsorgsfull ferdsel i skog og mark.
- Skapa ålmenn vyrdnad for jakt, fiske og friluftslvgjevning i landet
- Arbeide for rett bruk av våpen og sportsfiskarreiskap.
- Legge til rette for skytetrening og skytekonkurransar.

§ 3 Medlemskap

Ein kvar person som er interessert i jakt, sportsfiske, anna friluftsliv og naturforvaltning kan bli medlem. Laget er tilslutta NJFF med alle sine medlemmar.

Medlemmane vert delte inn i dei medlemskategoriane i forbundet som til ei kvar tid gjeld.

Ein medlem har ingen rettar i organisasjonen utover den perioden som kontingenten er betalt for. Medlemskap vert fornya gjennom betaling av kontingenten for det komande året.

For å ha stemmerett, må medlemmen ha fylt 14 år.

Styret i laget kan vedta eksklusjon, suspensjon eller tap av verv og rettar i samsvar med NJFF sine sentrale vedtekter.

§ 4 Medlemskontingent

Medlemskontingenten vert vedtatt av NJFF sitt landsmøte og representantskap. Betalt kontingent gjeld for eitt år frå betalingsdato. Kontingenten vert kravd inn av NJFF sentralt, som overfører vedtatt del til laget.

§ 5 Laget sine styrande organ

- a) Ordinært årsmøte
- b) Ekstraordinært årsmøte
- c) Styret

§ 6 Årsmøte

Ordinært årsmøte skal haldast kvart år innan 31. mars. Årsmøtet skal kallast inn av styret minst fire veker før det vert halde. Forslag til saksliste for møtet skal følgje innkallinga. Saker til årsmøtet skal vere skriftlege og styret i hende seinast to veker før årsmøtet. Endeleg saksliste skal behandlast av styret og gjerast kjent for medlemmane seinast éi veke før møtet. Det skal førast protokoll frå årsmøtet.

På årsmøtet skal følgjande handsamast:

1. Konstituering av møtet
 - Godkjenning av innkallinga
 - Godkjenning av dagsorden
 - Godkjenning av forretningsorden
 - Val av ordstyrar
 - Val av sekretær
 - Val av teljekorps
 - Val av to medlemmar til å underskrive protokollen
2. Årsmelding frå siste kalenderår
3. Revidert rekneskap frå siste kalenderår
4. Innkomne saker med styret sine forslag til vedtak
5. Retningslinjer for lagsdrifta
6. Andre saker som styret har ført opp på dagsorden
7. Styret sine forslag til årsplan og budsjett
8. Styret sitt forslag til kontingentnivå (låg, middels, høg sats) for hovudmedlemskap
9. Val av styre i samsvar med § 8
10. Laget sin utvalsstruktur og val av medlemmar til utval etter behov
11. Val av valnemnd på tre medlemmar
12. Val av revisor(ar)
13. Eventuell utnemning av æresmedlemmar
14. Eventuelt forslag om vedtektsendring med utgangspunkt i NJFF si vedtektsnorm
15. Val av laget sine representantar til årsmøte i regionlaget.

Årsmøtet skal ha tilsyn med at tidlegare avgjerder er utførte i samsvar med føresetnadene.

Saker vert avgjort med alminneleg fleirtal. Ved stemmeliikskap vert forslaget forkasta, unntatt ved personval, der det vert føretatt loddtrekning. Personval bør vere skriftleg dersom det ligg føre fleire forslag og nokon krev skriftleg avstemming. Elles har ingen som er til stades meir enn éi stemme. Det er ikkje rom for fullmakter.

Inntil to representantar frå sentralleddet og/eller regionorganisasjonen har rett til å vere til stades med talerett.

§ 7 Ekstraordinært årsmøte

Ekstraordinært årsmøte kan kallast inn av styret, eller når eit tidlegare årsmøte har vedtatt det, eller når det vert kravd skriftleg av 1/3 av medlemmane. Melding av saker og innkalling må skje innan dei same tidsrammene som for ordinært årsmøte.

Det skal førast protokoll frå ekstraordinært årsmøte.

Det skal ikkje takast avgjerder i andre saker enn dei som er oppførde i innkallinga.

Inntil to representantar frå sentralleddet og/eller regionorganisasjonen har rett til å vere til stades med talerett.

§ 8 Styret

Laget vert leia av eit styre på ti medlemmar, samt tre varamedlemmar og skal veljast av årsmøtet for to år om gongen, men slik at tilnærma halve styret er på val kvart år.

Styret er samansett slik:

- Leiar
- Nestleiar
- Sekretær
- Kasserar
- Kvinnekontakt
- Leiar i jaktutvalet
- Leiar i fiskeutvalet
- Leiar i skyteutvalet
- Leiar i barne- og ungdomsutvalet
- Leiar i hundeutvalet

Kvart utval er samansett av leiar og tre medlemmer. Medlemene av utvala skal veljast av årsmøtet for to år om gongen, slik at halve utvalet er på val kvart år.

Styremøte vert halde når leiar fastset det, eller når det vert kravd av minst tre medlemmar av styret. Styret er avgjerdsdyktig når meir enn halvparten av styret sine medlemmar er til stades. Vedtak vert gjort med alminneleg fleirtal. Ved stemmelikskap har leiar dobbeltstemme. Styret er kollektivt ansvarleg for drifta av laget og for dei vedtaka som vert gjort.

Det skal førast protokoll frå kvart styremøte. Denne skal gjerast kjent for medlemmane.

§ 9 Styret sine plikter

1. Verna om laget sine interesser, forvalta midlane, handheva vedtektene og laget sine retningslinjer.
2. Gjennomføre årsplanen og andre saker som er vedteke av årsmøtet. Førebu, behandla og fatta vedtak i saker av interesse for laget.
3. Leggja fram for årsmøtet melding om verksemda i laget gjennom det siste kalenderåret, revidert rekneskap, budsjettforslag og forslag til plan for verksemda i samsvar med NJFF sine strategidokument, for komande år.
4. Leggje fram for årsmøtet eventuelle forslag om utnemning av æresmedlemmar, samt eventuelle forslag om tildeling av NJFF sine diplom eller gullmerke for vidare ekspedering til NJFF sitt forbundsstyre.

5. Rapportera årsmelding og rekneskap til NJFF sentralt innan 1. mai kvart år. Ajourføre liste over tillitsvalde i NJFF sitt medlemsregister og i Brønnøysundregisteret.
6. Arbeida for lags- og medlemsfordeler, medrekna moglegheiter for økonomisk støtte.
7. Ivareta laget sitt arkiv.
8. Melde inn innrapportert ulovleg jakt og fiske når laget disponerer rettar.

§ 10 Rekneskap

Rekneskapen fylgjer kalenderåret og skal reviderast av revisor(ar) valde av årsmøtet. Revisjonen gir innstilling om rekneskapen til årsmøtet.

Laget dekker reiseutgifter og eventuelle andre utgifter som representantar for laget vert påførte i teneste.

§ 11 Vedtektsendringar

Laget sine vedtekter skal vere innanfor NJFF si gjeldande vedtektsnorm. Ved endringar i vedtektsnorma, forpliktar lokallaget seg til å korrigere dette i sine vedtekter på førstkommande ordinære årsmøte.

Forslag til endringar i dei delane av vedtektene som laget sjølv kan tilpasse, krev 2/3 fleirtal på årsmøtet for å bli vedteke. Vedtektsendringar må godkjennast av NJFF sentralt.

§ 12 Domsutval

Laget er forplikta av reglane i gjeldande domsutval i NJFF sine sentrale vedtekter og normer.

§ 13 Utmelding av NJFF

Utmelding av NJFF krev 2/3 fleirtal i to påfølgande ordinære årsmøte, og vert gjort gjeldande frå førstkommande årsskifte etter endeleg utmeldingsvedtak. Lovleg fatta utmeldingsvedtak må gjerast kjent for NJFF sentralt innan 1. september i året før utmeldinga.

Dersom laget trekkjer seg ut frå NJFF utan gyldig vedtak i samsvar med desse vedtektene, kan NJFF sitt forbundsstyre vedta at NJFF sitt regionlag skal overta laget sine eignelutar på uttrekkingstidspunktet til fremje for forbundet sine formål i området.

§ 14 Oppløysing av laget

Dersom det ligg føre eit grunngjeve forslag om oppløysing, skal styret behandle dette og leggje det fram for årsmøtet. Endeleg avgjerd i saka krev 2/3 fleirtal for oppløysing i to på kvarandre følgjande årsmøte. Dersom det vert vedteke å oppløysa laget, kan NJFF sitt forbundsstyre vedta at midlane skal disponerast av NJFF sitt regionlag til fremje for forbundet sine føremål i kommunen eller distriktet.

Dersom laget sjølv ikkje er i stand til å gjennomføra årsmøte, ligg det til regionlaget sitt styre å vedta oppløysing.